

蒼良初集



蒼園詩初集

孫芝房墓誌銘

仁和鄧懿長撰

余曩居京師私幸得交湖湘間士大夫皆魁壘傑特嗜古博學所游處氣輒蓋其輩人如曾侍郎而外指不勝屈善化孫君年最少後起而才高白晳短小脣不蔽其齒而沈重寡言言必中理聲閎而容整遊諸公間諸公文交引重之始學爲詞賦熟精文選旣益志於古期有立於世而不幸夭枉以卒此曾侍郎與余所爲累欷而不自克也君諱鼎臣字芝房會祖繩武歲貢生祖先振舉人直隸知縣父葆恬桃源縣學教諭生三子君居長君年十一作西王母賦驚其長老十四補諸生十七舉鄉試二十三與余同試爲

墓誌

內閣中書舍人未試前識君侍御黎先生所已而爲同年益親遂與爲兄弟交梅郎中用文術友教京師以一再會談詩古文法凡書冊所有與今時事得失相發者余與君及曾侍郎先後間往與其會飲食遊處近十年相與極歡時君已成乙巳進士改官翰林已酉出典試黔中途間得古律絕句詩百四十餘篇視居京師所爲多而且工所取士刻文亦工甲他行省未幾大考翰林一等擢翰林院侍讀充日講起居注官講官例得具劄言事君遂數言事時有詔戒臣下因循君言因循之病宜用法以治標用人以治本琦善釋自黑龍江以都統署河南巡撫君言不可

賊擾河北出養尙阿徐廣縉於獄令從軍君又言不可翰  
林地清崇於世事可不與優游回翔坐至九列以故人  
望之雖深而責之亦不甚急君獨奮自淬拔取天下事日  
夜礪摩究切若疾疢之在己時時憤慨激發遂乞假歸歸  
而築室深山中且耕且讀以養其母益取古今言理道治  
術諸書鉤擇奧祕所當施設何如成番塘芻論三卷河防  
紀畧四卷合詩文二十一卷爲蒼葭集所居地曰蒼葭谷  
也旣而母弟兵部主事頤臣舉人觀臣相繼卒家多死喪  
母桂太恭人居邑邑不自聊乃復奉母如京師甫及京師  
而母卒君先得疾至是疾大進失音奉喪歸年餘以瘵

墓誌

二

卒於家未卒前以書抵曾侍郎告別又一書抵余侍郎爲  
遺急足傳致杭州余發讀日死生常理不足悲吒憾悠悠  
一世虛生耳必爲我志墓之文然後瞑目無遺憾其書字  
跡文句周悉如平常卒年四十一妻唐氏繼娶胡氏子宗  
錫宗穀宗幹以咸豐九年四月二十二日葬於善化西鄉  
小烏金衝之原銘曰

視天與民脊脊焚焚有物在曾莫吐噉呻馴至大疾內傷  
心神不惟其家不惟其身君則往矣俯見飛塵在者更之  
久閱憂迤生匪不逢匪愧古人我銘報君下俟千春

翰林院侍讀孫君墓表

巴陵吳敏樹撰

咸豐九年三月廿七日翰林院侍讀芝房孫君卒於長沙里居卒前二日起爲手書告知友爲別而及敏楮且屬表於其墓先是一年君奉母桂太恭人之喪歸自京師而君已病失音醫久不愈自以家多不幸兩弟仲嘉兵部叔孚孝廉前已連喪身又嬰疾意必不獲壽日夜取平生所爲書及詩文更定其稿余輩往候視之則出以相考論盡無憾乃止及將卒所與書詞意恬然筆札與常日不異其於死生之際乃如是嗚呼君賢矣哉君自幼少名神童子卽絕去尋常才士意態默自修勵期至於古人性好詩歌文

墓表

一

詞窮究源流探索體要剖析微眇既精既嚴然後舉其才力從之故才益豐文益高及居翰林聲譽最隆而君未屑以文人自與也益深考古今學術政教治亂所由及鹽漕錢幣河渠兵制諸大政利害事實而察其通變所宜與其所不可者爲書論數十篇其言絕明達適治體屏斥小利要歸大道蓋古之論政事鹽鐵者不能過而君遂不及大用以究竟其志其待於後世者爲多云君諱鼎臣字子餘善化人年十四爲諸生十七舉鄉試數年考選內閣中書舍人道光二十五年成進士選庶吉士散館授翰林院編修克己酉科貴州鄉試正考官庚戌今上登極充

宣宗成皇帝實錄館纂修官咸豐二年 御試翰詹一等  
擢翰林院侍讀克順天鄉試同考官是時粵盜方出湖南  
各路民先賊驚散軍興動天下朝臣並言得失君數上疏  
陳團練籌餉事而故總督琦善自黑龍江戍所釋還以都  
統銜署河南巡撫君言其人不足復用明年賊蹂河北故  
督師賽尚阿徐廣縉並以 寬旨出獄赴軍前自効君又  
言兩人前失律罪大不誅且用之無以申軍法示天下罰  
並報聞君乃請假歸賊猶出入湖南北間君築室山中奉  
親讀書閱四年起補故官遭喪歸遂卒年四十一觀君之  
立朝居翰林文學之官視時之急發憤犯難風采暴露足  
以信其志也而始之方盛人望君若不可至君則泊然及  
後所自處又異於人人然則君誠有所自得之者彼有負  
恃才氣顛倒於得喪之中者幾何人哉而君遠矣君曾祖  
諱繩武歲貢生 諱封文林郎祖諱先振舉人直隸隆平  
縣知縣本生祖諱先捷縣學生父諱葆恬舉人桃源縣教  
諭皆以君貴累贈中憲大夫妻唐氏繼室胡氏子宗錫宗  
穀宗幹其葬君善化西鄉小烏金衝之原以咸豐九年四  
月二十二日所著詩十卷文十卷畚塘芻論三卷河防紀  
畧四卷總爲蒼葢集行於世

墓表

蒼葭詩集目錄

卷一

古今體詩

卷二

古今體詩

卷三

古今體詩

卷四

古今體詩

卷五

蒼葭初集

目錄

古今體詩

卷六

古今體詩

卷七

古今體詩

卷八

古今體詩

卷九

古今體詩

卷十

古今體詩

蒼袁初集

目錄

一一



蒼真初集卷第一

善化 孫鼎臣 子餘

烏生八九子

烏生八九子乃在深巖高樹巔朝啄粟莫飲石上泉遨遊  
一何翩翩出入若有神一朝卒逢黃鷄子洞曾折翼摧心  
肝路逢虞人挾兩彈丸射殺鷄子攜歸至家食眾賓茫茫  
野田中風吹百草根麒麟班班出遊山間魯人大狩獲之  
於原田白龍所居在清冷之淵化為魚遊豫且射魚一目  
殘今日良燕會皆言故所歡被服飲美酒四座咸萬年

短歌行

蒼真初集

卷第一

嚴霜載寒晨風獨飛竄竄四顧中林無枝一解茄蘖知苦

食梅知酸人各有心誰見肺肝二解歧途相逢不辨爾汝

同心之言涕泗如雨三解湛湛江水水深難越我心之憂

畏不敢發四解瞻彼白日夕入蒙汜低徊沈吟心念故里

五解 錦繡雖美不若韋布珍饌雖甘不若薯蕷六解

讀曲歌

朝抽玳瑁簪夕拂鴛鴦衾銅盤然蠟燭寸寸自傷心

繚繞五色絲約指於闐玉可憐雙龍子宛轉自相屬

鰕鮒篇

應龍乘元雲鰕鮒游中澤冥鴻在萬里燕雀務朝夕達人

有遠慮當事不遑食諒懷忠義情慷慨畢胸臆精誠鬱不  
白讒謗乃交逼神鷹出韝縶高翥振六翮狐兔尙未除胡  
爲見贈弋東登泰山望白日蕩海色撫劍凌天風吾將去  
碣石

西門行

步出西郭門茫茫野田草蕭條白楊樹下有行人道嚴風  
吹行客去去忽已杳憂勞迫生事萬物各顛倒人生在世  
間焉得不速槁流水入大海湯湯無盡時清爲江上波濁  
爲溝中泥窮達固有命誰能心不悲山中有美酒可以醉  
千日高堂會親戚並坐鼓琴瑟

蒼葭初集

卷第一

二

獨漉篇

獨漉獨漉水深盈谷水深尙可橫流則那一解 南山有木  
伐爲斧柯蕭艾不辨芄芃奈何二解 朝臨碣石洪濤湯湯  
我欲東歸誰與同行三解 浮雲北來白日西匿登彼高山  
不見四極四解 千仞之谿下有潛蛟雄劍不利悲風四號  
五解 時不我與歲不可久大功不成華髮盈首六解

出自薊北門行

驅車出薊北遂登黃金臺驚風卷飛沙浩浩從天來易水  
東北流居庸莽崔嵬郭隗旣已死昭王安在哉顧視冀北  
羣凡下皆駑駘峨峨太行高羊腸千萬迴駕馭失良馬車

覆輪爲摧行行多險艱慷慨令人哀

元雲

明明篋中鏡不受塵與埃盤盤澗中石不生蒿與萊蒼天  
一何高下覆徧九垓日月炳經緯垂光燭幽微元雲起太  
霄曜靈失清暉靈霖漲江海寒燠節序乖願爲西北風吹  
此浮雲開游氛不能掃感歎空徘徊

有所思

有所思乃在大海南海中三神山鬱鬱何嶄嶄天風揚波  
濤白日光已潛何以遺所思寶劍雙鹿盧何以展燕婉大  
秦明月珠劍以辟不祥珠以照四隅悠悠遠行道寂寂多  
蒼葺初集

卷第一

三

隴西行

芳草迢迢不得達望望傷懷抱南園螻蛄唬歲晚梧葉稀  
願爲雙翔燕飛入黃金扉飛來君不知妾意何由開

行路難

飄飄山上雲隨風搖蕩無定姿當南而反北謂東而反西  
朝與丹霞出東海暮逐白日歸崦嵫杖策出里門路逢故  
人騎馬來下馬揖我語執手道故情不疑豈知背面忽有  
異恍忽變化成風雷秋毫之末尙可察君心海嶽良難知

登嵩高以四望望見晉時之故宮昔時帝京全盛日王侯  
第宅連長空中有石氏金谷園綺梁繡楣相交通高樓百  
尺臨大道豔歌白雪飄迴風一朝綠珠墜樓死繁華零落  
如飛蓬荒園夜夜走狐兔呼羣嘯侶於其中眼看今古盡  
如此何用鮮衣怒馬相豪雄

邯鄲才人貌如花潦倒嫁爲厮養婦無鹽四十老不字一  
朝遂作齊王后南箕北斗有轉移何況人間翻覆手古來  
萬事盡顛倒那不窮經長白首坐愁行歎慎莫爲與子高  
歌飲醇酒

日出東南隅行

蒼葭初集

卷第一

四

渾渾黃河流千載始一清皎皎白日出幽隱無遺形青蠅  
亂聽白璧失貞聚蟲成雷驚霆無聲伍員旣賜屬鏤劍屈  
平亦著離騷經忠而獲罪我則未誠國無賢人大功不成  
天門高高人莫登下士抱璞無由明願迴扶桑之末照下  
燭萬里之滄溟

企豫歌辭

腰懸兩角弓馳突滋川下射殺黃鬚兒奪得紫驢馬  
蛇矛一丈八倒舞如龍翔朝出苑川城看殺馬上郎  
朝朝看寶刀暮暮看寶刀男兒不作健何用相矜驕

種葛篇

種葛不成陰種麥不作穗同行有他心安能免憔悴狐裘  
雖云敝可以禦君寒勿以一朝貴而忘前日艱寵愛在顏  
色焉得不棄捐行行與君辭去若長川瀾

滄海雀

海上有飛禽其名爲精衛云是炎帝女昔從茲川濟舟溺  
身不返變化爲異類朝銜山上石暮宿山上林銜石如山  
高不塞滄海深豈不知海深抱此耿耿誠忠信苟不昧何  
畏鯢與鯨

夜至荊州

帆勁不能收寒江夜急流長風與明月送我到荊州未下  
蒼葭初集

卷第一

五

嚴城鑰言登酒肆樓徘徊紅燭下霜滿黑貂裘

曉泛新湘溪

澄暉媚平川滉瀟生幽光羣山映朝秀露氣青蒼蒼湍駛  
寒江流路迴洲渚長離離拂葭莢靡靡縈菰蔣鳧鷖亂呬  
啞三五相迴翔夷猶弭輕棹眇然臨中央觀魚適豪濮濯  
纓懷滄浪循賞故有窮冥迹誠無方悠悠曠士懷垂釣以  
徜徉

舟迴至桃源入山徧覽諸勝

丹臺閼靈蹤石室滅浮景崇巘殷合沓疊嶂鬱森挺飛蘿  
翼升煙深竹汎修影丹崖曉映蔚哀壑夜虛警寒泉靜泊

泝奔峭兀奇獷猿狻徑已窮鸞鶴駕方迴瑤華不可遇雲  
路誰能騁

秋城

畫角西風晚自驚亂山殘照擁孤城關河遠近浮雲色今  
古興亡落木聲楚澤蘭蕙應有憾漢南楊柳若爲情榮枯  
了了須臾事緩把鴟夷送此生

江行晚望

江花江草日萋萋楚客情傷望欲迷朔吹浪高荆渚北鄉  
心日落洞庭西山荒獨木哀猿叫天暗平蕪去鳥低湘浦  
蓀荃無限思不堪叢竹鷓鴣啼

蒼葺初集

卷第一

六

江月

萬里青天月來窺獨客舟遠臨沙浦靜孤照大江流永夜  
鄉思發殘年遠道游南飛有鴻雁餘響滿蘆洲

遼海

遼海懸千里雄邊控九關中原龍戰後落日鳥飛還經撫  
廷評裏王侯走卒間艱難嗟勝國征繕做人寰

居唐

居庸碣石鬱峩甍飛鳥孤雲出塞遙萬壑東流終赴海中  
天北斗更迴杓每思痛哭舒幽憤但有長歌慰寂寥年少  
諸郎不解事平原去獵馬蹄驕

憶桃源雜詩十六首

福地圖經古仙源日月尊千年猶魏晉一水會辰沅洞壑  
餘春滿畊桑舊俗存一塵如可託竟欲老衡門

疊石防頽岸清流繞縣城人家依樹雜山色照江明天遠  
寒原靜沙平細草縈稍欣風日霽便得放船行

迴洲成曲岸急瀨薄中央野艇居人聚沙田晚歲荒風低  
楊柳綠日暝菜花黃咫尺江城近雲山晚更蒼

鬪鬪仍相接居人亦萬家秋風新芋栗春水富魚鰕美酒  
經年釀香秫到處賒物情稍相狎未覺厭謹譁

絕物容疏嬾幽居愜性真茅茨深得地花竹自成春露圃

蒼葦初集

卷第一

七

薑瓜滿虛檐鳥雀馴不知人世境何處有風塵

幽思獨浩蕩清心聞寂寥圖書將永日花鳥臥清朝茗飲  
無時進枯桐入詠遙從容頗近道柱史永相要

我有素心友時時慰索居菘葵供晚歲風雪老吾廬數夢  
蒼葦谷同繙貝葉書終年成默默辛苦謝雙魚

佛閣臨江峻雲天渺眾觀遠帆斜日迴深樹亂峰攢風柳  
當門晚疏花滿院寒舊遊今寂寞桂露白團團

蜿蜒蘿峰路青蒼楓樹林山空虛籟合江駛洑流深旭日  
漁舟散孤煙暮鳥沈桃源望中接鼓枻極幽尋

古洞春潮滿仙臺廢草空石泉流夜月壇竹亂天風采藥

行虛返誅茅願未終不成還碌碌萬里逐飛蓬  
綠野紛鱗錯迴環錦繡文欣欣苗過雨藹藹樹藏雲鳧雁  
春塘滿牛羊夕草曠但期秋稅足未恤夏畦勤  
野老安眠食山居失歲時薪漁人自給禾黍事相宜閒月  
多婚嫁鄰居迭餽貽耕田不識字始覺近皇義  
夷望溪流水悠悠入客懷蘋花沈石瀨樹色隱秋崖要道  
知非遠吾生亦有涯垂綸老川上愚叟信吾儕

亂流橫絕嶂高峙水心巖積雪陰泉冷青天石壁銜臨江  
垂薜荔半嶺響松杉一自真人去丹經闕石函

聞道靈巖洞中居綠髮仙風雷纏萬古龍象幻諸天石髓  
蒼莧初集

卷第一

八

青泥滑寒鐙白晝然終當訪芝朮持以駐流年

鬱鬱抱微尙寥寥悲遠征山川阻伊洛風雨暗幽并物役  
傷眞性羈孤感世情冥鴻避羅爵休爲稻梁爭

寄吳紅生閣讀

保晉

炎天匹馬別君還自愛蒼莧谷裏山靜對白雲成獨往憶  
從青瑣共朝班絲綸草創鑿坡下冠佩從容玉殿閒書到  
紫薇花正好金尊如斗莫教閒

趙子昂畫馬

劉文恪公家物

渥洼之水生龍駒權奇侖絕代無怪哉何處得此種顧  
盼雄偉精神殊徑思飛鞚覽八表細看乃是丹青圖卽論



圖畫亦無敵颯颯英風動西極時來蹴踏風雲會卻立崢  
嶸雪霜色昔時供奉曹將軍妙能繪此若有神弟子韓幹  
亦不惡晚有好手稱王孫王孫風流富文采干戈飄泊身  
仍在白雁南來騎渡江翠華東幸人航海崖山風浪天冥  
冥銅駝荆棘秋來生天閉散盡無一匹祇見萬里趨龍庭  
此馬騰驤亦何益卻望蘭亭淚沾臆空令神駿在人間何  
不長驅去殺賊

沅上晚秋

橘黃楓赤爛秋深寂寞山城歲月侵雁鶩荒江橫朔吹牛  
羊落日點寒林無情草木悲時序不盡風雲變古今正是  
蒼莨初集

卷第一

九

江南搖落候忽聞橫笛一霑襟

腐儒無術補明時通籍叨陪獻納司鳳閣自傳綸誥美烏  
臺未怪諫書遲迴看北斗天常遠獨臥南山巖又移日暮  
高樓奏清角嶺猿江鳥不勝悲

蒼葺初集卷第二

善化 孫鼎臣 子餘

五賢詩 并序

時勢遷流老成彫謝撫今懷曩爲五賢詩悲夫賢者  
於世不能久留而世之有待於賢者無盡也

相國文清松公

文清古蓋臣大圭儷河圖 朝廷際有道獨立貌如愚纏  
綿分 主憂密勿輸嘉謨任已無喜愠進退常有餘黃金  
丹砂色百鍊不易初始終蒙 帝鑒誠至蠻夷孚揮灑大  
虎字精光走夔魑喬松今已矣曠望山林虛

蒼葺初集

卷第二

一

相國襄平蔣公

蔣公一个臣威鳳應軒律連帥資蕃宣台衡大光弼九品  
藻鏡清寢食心 王室寸善必甄錄延訪逮未秩煒煌金  
與箭入獻無虛日四海人又安 帝有任賢逸虛無孫宏  
閣悽愴山濤筆朱弦生流埃久矣清廟瑟巖巖具瞻地賢  
者多戰栗

陝甘總督昭武楊公

楊公實鷹揚雄包山澤精 旰食嘉慶朝楚蜀寇方橫矢  
石身百戰婦孺知威名建牙金天高 天子屬蒼生 國  
家承平來武臣無此榮軍門士肅肅秦隴人得耕回部再

煽亂 帝倚大功成偏裨出麾下到今皆干城龍韜闕玉  
版大樹晚飄零登壇歌大風鬱鬱龍驤塋

廣東巡撫莊恪朱公

觥觥朱中丞吐氣青雲高引手酌貪泉立身銅柱標冥冥  
珠崖表濁浪蓬萊搖神羊犄其間天吳不敢驕陸離百寶  
窟大力來相要太陽隋搏桑色薄冰山消憂國志不展迹  
逐冥鴻遙 帝眷深飾終遺愛與人謠長川失舟楫宇宙  
風蕭蕭

陝西按察使澈浦嚴公

澈浦人中英爲學有原委貫串兵家流曉達經國體章縫  
蒼黃初集

卷第二

二

一書生殺賊保鄉里躡屣中書堂萬言感 天子南山寇  
之藪赤手斬荆杞 朝廷委經畫早晚降旌檠未盡夙抱  
奇悲見石柳啓時清歎才難海內巨人幾臨風玩遺編零  
淚黯盈紙

粵王臺歌和李梅生秀才 杭

粵王臺高竦雲表百尺朱檐接飛鳥粵王當時豪傑人黃  
屋儼居天子尊幡然降號爲藩臣世守南服遺子孫邯鄲  
女兒爾何許霸陵少年無足數祇令尊酒起干戈那解長  
纓繫戎虜君不見陸賈歸來象郡通呂嘉作相更興戎樓  
船一自橫滄海長遣明珠入漢宮

擬古

唐侯昔在位純衣臨朝端知人稱則哲去佞誠獨難徵庸  
納大錄穆穆肅百官鴟鴞逃絕域藪澤游般般神人德交  
暢昏墊由茲安

塗山誕后啟鴻水浩方割橈標徧九州灑澹出溟渤辛壬  
與癸甲呱呱弗遑恤室家伊可懷三過去彌疾神明建功  
業憂勞亦非一明德及後人鐘簷有餘烈

聖人一宸馭錫善抑不詳武丁朝諸侯撻伐克鬼方巖然  
中興業天地開重光師行豈不勞三歲淹南荆威燿赫旁  
達綱紀豁四張功成告宗廟歌頌流芬芳

蒼莧初集

卷第二

三

周室有懿親且奭共夾輔經營致太平勳業爛終古維城  
國攸賴賢碩民所與濟川資舟楫分陝寄心膺樹棠懷北  
燕分茅胙東魯煌煌霍與毛名亦在盟府

周官三百六閭里各有經匡飭變異俗品式施光明屬民  
爲聯伍統揖得至精賢能比三物卒旅總六卿政成網在  
綱萬里如門庭明堂坐斧扆天下咸登平

廣厦竦羣構歸墟朝百川盛滿天所忌溫恭德所先集思  
廣宏略翼亮懷高賢周公古大聖日昃不遑安握髮三吐  
哺後世稱其難

犬戎俗狼戾阻亂居西陲秦襄躬環甲厲伍出豐岐虎韞

載堅筇龍盾揚輕麾文茵與暢轂四牡駢驅征夫夙嚴  
駕少婦臨中閨荷戈遠從軍板屋多離思王事日孔棘去  
去從此辭

管寧佐齊桓種蠡伯於越政要先六柄陰謀出九術葵邱  
會諸侯列辟罔不說會稽雖蒙恥積忿一朝雪苟非四子  
賢功業坐銷歇駕馭得良材驥足歛超忽

扁鵲晨入朝前知決生死賡理尙可及膏肓孰能起單極  
斷井絙積溜穿崩石禍福各有基由來匪朝夕

敬仰天下才制世得深理牧民陳士經均賄審時紀御物  
首定籍官國亦有軌隆隆伯業興鴻羽流光采

蒼黃初集

卷第二

四

重耳霸晉國一戰靖楚氛正刑戮三罪英風動諸藩微勞  
甯不圖明憲亦有倫不見綿上田空悲負羈薪

先軫禦狄人免胄赴強敵狼曠殉彭衙秦師遂奔北後先  
兩輝映忠義貫金石死綏臣所分大義在簡策社稷苟可  
安殺身亦何惜

熊侶始嗣楚棄德從荒淫三年居深宮國病亂日深一言  
感蘇從翻然體勤約賢奸別誅賞庶績罔不若定亂服陳  
鄭觀兵耀河洛四裔懼威七德偉宏略

祁奚舉解狐釋讐忘其私午也亦同薦不以形迹疑事君  
竭犬馬精力會有衰樹人圖百年流澤奕世滋三善一舉

備臣職其無虧

鄭僑鑄刑書叔向遠相讓救世有遠圖焉能避讒謗孰殺  
雖有歌事飭百度張林疏虎屏迹水清魚亦暢萑苻彼何  
人國紀遂淪喪

瑗也君勿庸瑕也猶在位君行苟有忒微臣實宜罪賢哉  
衛子魚身沒志不貳冥心洞崇深明炤豁昏翳批鱗誠則  
難納牖乃終易

穰苴斬莊賈孫武誅吳姬援枹泣行陳立表定師期一夫  
法不宥三軍令莫違威行世無敵功名耀四陲

句踐返於越御政治百官食藜豈不苦抱冰豈不寒積羽

蒼黃初集

卷第二

五

可折軸聚土成崇山強弱無常形陰陽有更端一舉沼勾  
吳大業斯弗刊

羊皮積滿千不如一狐腋操牘行從君鄂鄂何審直良材  
待工俛積疴資藥石藥石非不苦優繇乃終益生時諫屢  
陳沒後思無斁

蒙漆以爲癩入市行咨且報仇志不遂殺身抑何愚顧念  
國士恩感激爲捐軀良驥在赤野英風播名都鞭策隨驚  
駘焉肯效馳驅嗚呼四海大豪傑無時無絕祚雖不復高  
義彌寰區

解扁爲東封上計邀殊賞念勤詎非宜蒸黎忌綬養文侯

執纛鑿綜覈別誅獎守鄴任西門賢譽日流廣

豹也實潔愨義不私秋毫寡欲勵清操孤芬激彌高脫粟  
懷晏嬰負薪悲叔敖矯矯冰雪姿臨風挹積颺

樂羊攻中山三歲淹其師讒言日三至慈母爲下機眾口  
可鑠金飛揚簸南箕日月麗霄漢四字無纖埃君子執明  
信羣情多是非功成奏凱還時俗空謗誹

吳起爲魏相躬行執鞭弭當寢撤文茵臨食闕甘旨馳軹  
賓遠服分珪靖邊鄙攻秦拔三城功烈何光煒吮疽非不  
難士卒爲之死

猛獸厲爪牙鷺鳥習羽翰李悝守邊邑勵俗肆征繕射的

蒼葺初集

卷第二

六

決狐疑技擊亦明練教誨得調一有備益無患馳鋒捍秦  
軍羣氓永清晏

高原多烈風枯樹枝相樛野雀巢其間和鳴命匹儔塊彼  
漆室女悃悃懷私憂慷慨發悲吟積雲凝不流褰裳舍之  
去歸死南山頭

高位難可居令德實云美邑邑公儀休守約志克已燔機  
斷織紵拔葵輟甘旨相魯垂遺徽百世企芳軌

公仲相烈侯委蛇襲榮位徒靳槍石田甯知牛荀異英英  
番吾君深心燭大計援類拔羣茅功被袞衣賜羊牢猶可  
補鴻羽自茲厲復貫有令圖巨川在同濟

狐裘雖云傲不以黃狗補金鐵無雜燦梟鸞不同伍呢嗚  
人所喜蹇亮人所尤素絲慎其染明鑒景可求親賢佐伯  
業崇高多令猷微言得寤合鄒忌何其優

山東六大國南北徑中原合從聯諸侯折箠咎強秦兵分  
列犄角氣勢雄屏藩張儀東馳轅騁辯何幡幡楚懷既不  
歸齊讓亦空言矯矯仲連子高蹈東海濱

抱薪救原燎薪多火益烈秦軍走芒卯三軍莽流血喋喋  
魏段干棄地固不恤偉哉虞卿謀力折樓緩說六城既不  
亡羣言乃終訕

靖郭相三王繁富雄臨淄後宮曳紈綺僕隸甘鮮肥田文  
蒼黃初集

卷第二

七

廣招延仄心傾異才羣彥儻雲集流譽爭星馳更傳脫強  
秦結轡輔雌齊上言廣君國下以固宗彝

蜻蛉游天地黃雀巢茂林翱翔飲甘露棲息倚層陰何期  
挾彈子坐使飛繳侵顧犬理可及補牢意何深哲人有長  
慮至言垂良箴

相如奉君命奉璧入秦都章臺縱傳觀割城語徒誣倚柱  
髮直指猛氣凌千夫一璧且不肯矧乃求其餘赫赫澠池  
會蜚聞震八區

孤城捍強軍卽墨何擾擾人知累卵危地等彈丸小飛鳥  
來集庭火牛出空堡燕師歛奔北齊祚終克保尺土猶不



階一旅詎言少精誠貫穹蒼大命可重造

二世承秦倣急網如凝脂鏘鏘阿房宮濟濟酈山陲鋤耒  
亂天下羣盜無端倪盈庭集羣議博士多參差婉婉叔孫  
子與道爲委蛇乘時更變化去矣無還期

羽也起隴畝力征霸天下指麾五諸侯入關遷秦社將賢  
不能任末路多坎坷漢皇御三傑驅除定天夏一聆楚歌  
聲浩歎淚盈把

沛公固天授項王亦蓋世雌雄兩徬徨宇宙多昏瞶陳平  
贊元業勝算出深智珪爵亦不吝何惜黃金貴失之在錙  
銖成功照天地

蒼葦初集

卷第二

八

英布厄黔徒絳侯困織薄舞陽溷屠狗汝陰實廐役鬱鬱  
風雲姿沈淪伏草澤一朝同豹變萬里神龍躍馳驅定艱  
屯闊達千古略英雄負奇蹤由來在巖壑

三公位台衡秉鈞翊元化簿領甯所尸惇懋在夙夜美茲  
陽武對勝彼絳侯謝蕭曹有清規高風遠陵跨

鼂錯建大計蹇蹇懷忠言強幹弱其枝陳義豈不難七國  
構釁亂東市卒邁患貽厥有賢父明哲識禍源謀身抑何  
愚千古爲悲酸

長平四十萬戰敗遺秦坑灌夫報父仇慷慨將孤忱吳軍  
氛正惡堅壁逾巖城縱橫十餘騎叱咤驅風霆舉旗飲虜

血陷陣摧強兵傷夷竟不死志遂功亦成

良金不躍冶良玉不離璞士有必特招塗路豈能局漢廷  
崇諸科甄逮賁幽谷兒寬釋鋤歸枚生騁蒲載王褒擢鳳  
翥孫宏漸鴻陸彬彬羣材翔廉孝踵芳躅朝廷尊賢良蒸  
庶厲風俗

施罟勿竭澤張羅勿盡山宏羊筦鹽鐵平準參伍均剖析  
眇秋毫權算滋紛煩經國有本術遺則在周官  
束髮事匈奴百戰歷絕幕勳高不見錄意氣盡畱落將軍  
雖數奇賞功亦已薄煌煌馮子都軒朱綰高爵

桓桓霍驃姚果敢亦天姿耀甲狼居山拒旅榆關歸天子

蒼葺初集

卷第二

九

嘉厥勤治第豐水涯匈奴猶未滅安用家室爲由來甲冑  
士誼不顧恩私穿冢象祁連銘功在焉支

疾羽洞崩石迅鋒引飛泉豈伊力固殊精氣格蒼乾魯陽  
一揮戈白日迴虞淵震風擊齊堂凝霜下高天匹夫懷忠  
信金石失其堅嗟嗟志節士感激空流遷

子卿使虜廷侃侃節不屈佩刀刺弗殊節旄勁誰折飢食  
海上草渴飲窖中雪微軀固不圖威力詎相奪歸來策功  
勳圖畫炳奇烈

廣川繼絕學積古爲通儒下帷窮六經進退禮不踰釋躄  
眇明廷發言敷道腴洋洋闡大業款款陳春思巍然王佐

才可爲百世模

蒼真初集

卷第一

十

蒼蕘初集卷第三

善化 孫鼎臣 子餘

臨臯亭

臨臯亭西日將夕臨臯亭前楓葉赤荒榛斷梗石路高寂  
寞東坡舊時宅詞翰紛綸遺讒謗君相優容得遷謫齊安  
山水清且奇岸柳江花弄空碧文章灑落出憂患朋友扶  
持感正直西溪東鳴今何見野水茫茫浸蘆荻山頭月出  
不見人迴雁飛鳴起沙磧

道士汛

崎嶇陵風濤縹緲入煙霧冥冥峰蔽虧漠漠渚迴互江崩

蒼蕘初集

卷第三

一

斷岸石雲隱中巖樹旅情倦登陟勝觀隨所遇欣逢山水  
滋遂愜滄洲趣孤興屢翩翩濯纓向何處

將至彭澤口號

長江千里暮雲間浩浩風潮去不還行過潯陽向彭澤中  
流遙見小孤山

小孤山

瀾瀾滄波流亭亭翠巘出葳蕤含天風窈窕弄朝日松栝  
鬱蔥蔚藤蘿競披拂蘭渚多威紆桂楫肆夷悅凝情領來  
軌軫慮惜往轍飄飆香爐雲崢嶸彭蠡雪孤權誰淹畱夕  
霏隱林樾

大孤山

萬里乘風潮孤峰阻霄漢積氛方沈冥朝旭忽凌亂蓋蓋  
浮洪瀾欽虧削曾冠飛丹流雲騫積翠陰霞絢方舟信超  
越靈臺絕登頓茗茗懷遠征宛宛送流盼理檝泐淮流含  
情望楚甸

金陵感事

西風斜日秣林秋澹灩寒潮上石頭廣苑華林驅馬入白  
門衰柳聽烏愁沈江豈少千尋鎖橫海非無萬斛舟天塹  
茫茫接牛首金城從古帝王州

江左風流氣已殫盤根錯節見才難過江飲酒還周顛別  
蒼黃初集

卷第三

二

野圍棋自謝安扈瀆干戈猶未息新亭涕淚不勝彈并州  
尙有劉琨在霜雪蕭條兩鬢殘

朱雀桁邊草作堆鍾山南畔暮雲開誰言虎踞龍蟠地眞  
見青絲白馬來半渡顧榮麾扇入前軍陶侃刺船迴至今  
風雨青塘夜鳴咽東流水不回

江山佳麗斗牛邊天險東南地勢偏罷講休志大同日中  
興終屬永嘉年當筵慷慨桓伊曲上道淒涼祖逖鞭羈旅  
經過戎馬地臨風迴首一潸然

渡揚子江

寥落乾坤事扁舟滄海東煙寒瓜步樹浪濶蒜山風戰伐

餘兵燹冰霜逐轉蓬  
淒涼京口戍士馬舊驍雄

游龍杖歌和蕭山湯相國韻

秋深老圃霜露濡  
赤蓼突兀八尺餘  
磊砢有節密復疎  
中堅多心實不虛  
天生萬木浩紛拏  
細爲栝捲大榱櫨  
斧之惟惟所須用  
違其宜等泥塗  
蓼兮無用類萑蒲  
老大始知材質殊  
於何得之自榛蕪  
旣得左右挾與俱  
命爲游龍勢衙衙  
形質蜿蜒爪甲粗  
神龍有道能卷舒  
蓼之用舍猶是夫  
公壽百歲扶以趨  
耿耿正直性不渝

讀浮邱子

揚雄草太元王充著論衡  
沒世長已矣安知身後名  
牛刀

蒼菴初集

卷第三

三

不得割龍劍焉能鳴  
傷哉浮邱子力與萬古爭  
歐血至旣盡詞翰懸  
崢嶸摩挲撫遺編  
涕淚交縱橫

送李梅生編修隨其尊人石梧中丞之吳

二十年來論忠孝  
天下何人在廊廟  
與君慷慨共生平  
釋

褐登朝正英妙君家嚴  
君韓范姿鳳毛麟角增  
光輝三

吳地重倚磐石起居  
千里依庭闈君才磊落  
天府器閉戶

覃思九州勢玉堂草  
制飛文雄天子召見  
明光宮從容

御榻語移晷承家卓  
有韋平風東南連年  
罷兵革互市

蠻夷在庭闕路人空  
抱郭欽憂逆旅焉知  
馬周客少年遇

合乘風雲一心報國  
豈惜身綵衣東去照  
江水行盡吳

頭與楚尾畫策歸來獻天子

湘山歸隱圖送黎樾喬侍御

吉雲

還湘潭

大房山中最深處薜蘿參差裊煙霧花溪十里茅堂開礪  
水松聲颯迴互先生出山今幾時身騎紫鳳游天池諫書  
屢排青瑣闥釣竿歸拂珊瑚枝薊門風高響落木菊花開  
時酒新漉去年九日送朱雲

伯韓侍御

千里黃河雁飛速朋知

契闊登臨少歲月崢嶸別離數人生出處道何常糲食疏

衣願粗足湘潭幽絕昔曾到樹石坡陀隱江麓畫圖葑菀

見瀟湘一葉風帆洞庭曲桂林前日尺書至歸噉黃精勝

梁肉先生况有二頃田繞屋新栽萬竿竹此時對酒鄉思

蒼葺初集

卷第二

四

深明朝匹馬度楓林九衢冠蓋人如蟻如此溪山不可尋

送陳頌南給諫

慶鏞

還晉江

道光中年數御史高要之蘇臨桂朱復有陳侯起閩嶠矯  
若三鳳翔天衢陳侯骨鯁絕代無手拔鯨牙捋虎鬚四夷  
髣髴想風采鍵戶著書猶老儒猛虎居山長藜藿神鷹側  
翅奔羣狙豫章雲雷拔地起袞衣日月須人扶如何默默  
不得意飄然竟鼓滄洲柁桑乾之水東北流枯桑翻風白  
日愁河冰十丈凍始合勸君曷不須臾畱畱君掉頭不肯  
住刺桐城邊海雲暮樂志聊爲公理論歸田便擬張衡賦  
回首平生朋好違長安市上晨星稀蘇子還山臥不起君

又拂衣尋釣磯故人獨有朱雲在酒鑪餞別金魚解我有  
珊瑚作釣鉤贈君釣鼇向東海

喜會滌生學士 國藩 遷閣部賦贈

赤驥翔天衢紫鳳啞鳴谷從容金馬門進佩水蒼玉吾邦

論舊德百年見喬木滄洲偉略富 陳裕勤公鵬年 激浦英風穆 嚴公

如 燮後來兩淮間建節入州督 陶文毅公 到今留 帝眷垂涕

念耆宿昔賢鮮專美後起託私淑平生稷契懷寤寐唐虞

俗

寄王子壽比部 柏心 荊州

名場老後一官除歸去螺洲賦隱居亦自解騎沙苑馬誰

蒼葢初集 卷第三 五

能竟捨武昌魚致兼風雅才難盡身遠功名計豈疏衮衮

諸公向臺省江湖浩蕩一春鋤

和邊袖石編修 浴禮 游西山宿臥佛寺

城中見西山山色行近遠斜陽在林表時帶飛鳥返高人

撰清秋雲壑得陵緬松陰旣須憩苔石行堪踐樵迴雲入

谷猿鳴月當巘山中始經宿豁達煩慮遣伊余眷名迹微

願何方展賴有能賦才青雲寄遐眊芳春平仲發攜手摘

新筭

寄沈栗仲先生

話山草堂沈夫子迢遞鳧飛度湘水護持百姓如嬰兒不



肯折腰五斗米古書素琴暗塵滿拂衣將歸故山遠定王  
臺前山色佳手縛茆茨對雲巘春風爛漫桃花源憶同花

底呼金尊飛飛落英覆芳草醉臥不知西日昏信陵賓客

今誰在毛青垣國翰朱石禪  
衡諸君相繼淪沒習家池館風光改雞犬桑麻

又一時邑人自說神明幸著述平生已白頭閉門老樹風

颼颼酒錢亦有時人乞尺牘還聞好事求祇憐歸計何時

決萬里鴻飛楚天闊安得城南杜曲田荷鋤相從事耕墍

先生鄞人  
籍大興

敘事抒情一百韻和李梅生

上谷山東向柔乾水北流風塵淹故國天地颯深秋客裏

蒼衷初集

卷第三

六

惟高枕人間有釣舟別離情不極出處志相侔風雅窺千

載安危策九州世人甘鹵莽吾道許綢繆早際 朝廷聖

時聞草澤搜私心多感激獨立久咿嗻韋曲鶯花盛新豐

冠蓋游 御城連夾道甲第列通侯翠幕懸銀榜花驄蹀

錦鞞才人鸚鵡賦上客鸚鵡裘妙舞華鐙出清歌寶瑟搗

標甃傾綠螳珍脯薦紅虬 中禁宵傳燭沙隄晝引騶千

官齊委佩 三殿想凝旒翼翼調元化恢恢締遠猷厝薪

容早計借箸要深籌南越風濤壯東閩道路幽藁街稽獻

馘扈瀆偃鳴桴枸醬巴人市蒲桃漢使求生犀將翦翠文

馬送氍毹林邑從來遠花門遂欲畱鮫人隨估舶蜃氣壓

城樓但使綱維得何難法制修引裾容譽謬授鉞盡殊尤  
氣節中朝盛稜威薄海收驅除消獬獬訓練得魏狄斥埃  
長韜甲丁男歲服疇租庸應不乏井邑豈無鳩治劇絲難  
理憂深木有粵盡言思陸贄計事老荀攸迢遞金微隔紛  
紜鐵騎蹂將軍班虎竹壯士枕蛇矛馬邑圍仍急龍庭戰  
未休角吹邊雪暗劍拂陣雲浮間道音書絕孤城歲月邁  
艱難揮玉斧密勿奠金甌 宵旰憂勤意經綸社稷謀孫  
吳猶未遠房杜自堪儔肝膽誰相見瘡痍豈易瘳中原集  
鴻鴈橫海舞蝘蟀禁罔張何闊 溫綸降已稠祇期羣策  
濟終使萬邦採瀟灑功名遠狂愚造化酬自知心匪石未

蒼莨初集

卷第三

七

忍曲如鈎閉戶便幽性看山豁遠眸醉憑藜作杖飢藉菊  
爲餼柳下供嵇鍛尊前倚趙謳疎慵聊過日幽獨眇含愁  
憶昔聯衡宇躡辰事束脩通家原識孔知已早推歐植幹  
憑仁宅飛翹載德輶韋弦端可贊膠漆自能投才調齊終  
賈淵源出魯鄒淬鋒資越砥在璞隱荆璆奇服分蘭佩深  
心結蕙綢因仍牽世網聚散任浮漚花暗桃源路帆通桂  
海陬羊車方入洛鶴嶺已過緱碣石寒蕪斷秦城古木樛  
江湖春浩浩雨雪晚濛濛跌宕才難盡磨磷志不踰棟梁  
知大厦廊廟必天球賢路今方闢 皇綱久待蒐當香儀  
鸞鷲接迹逐驂騑 詔許金門入書同石室綉香鑪依洞

案綬帶縮重繆 祕殿朱衣引晴窗彩筆抽乘船經太液  
聯轡走長楸山翠波明檻花香酒滿籜常時憐契闊暇日  
得夷猶大雅何寥落叢編與校讐方員規匠石朱紫辨離  
婁今古鳴雙鳥邱山攬萬牛小心窺浩渺元氣鬱蝸膠律  
準陰何紆才兼甫白優發揮情正大比興義溫柔險語盧  
仝癖哀吟賈島囚永嘉嗟已矣正始復何由逸軌騷人接  
頽波志士羞襟期俱落落歧路屢悠悠黃雀爭求食蒼鷹  
迴出韝綵衣隨節鉞歸棹復滄洲嶽色青如染湘波碧似  
油郊扉環木槿檐果結山穉錦纈千峰樹銀濤百丈湫煙  
霞來枕席芝朮代薪樗谷口人疑鄭潯陽隱類周趨 朝

蒼莨初集

卷第三

八

辭仗馬理艇泛輕儻遙翰成高詠飛書達遠郵殷勤通悃  
款魯鈍怯雕鏐江晚楓初落田荒草待穫幾時咨洗耳眞  
自懶梳頭東去慚張翰西行望賈彪未忘經宇宙莫便滯  
林邱天遠翔朱鳳川長隱白鷗許身原稷契抗手已曹劉  
咫尺陪元輔吾生豁百憂長吟向寥廓風雨颯颯颺

蒼莨谷圖歌

圖爲戴醇士閩郡熙作

少生山水窟本自煙霞人南來謁 天子屬籍金闈臣東  
華五年困塵土車如雞棲蹋朝鼓移山走海不得前七澤  
天長夢魂苦楚江之外天冥冥楚山之竹何青青崖傾嶂  
合不知路七十二峰環翠屏翠屏中開斷復連東峰西峰

響流泉徘徊返照下絕壁谷口十丈橫蒼煙抱黃古仙人  
鍊藥闕石室一朝騎白鶴鶴去丹井溢春風滿地茯苓長  
四月山深杜鵑響鸞歸苦笋得飽食斫取新枝勝叩杖自  
從書劍別煙蘿蕭條磻戶依山阿一邱欲臥那可得不徑  
就荒知若何披裘行歌入燕市道逢戴侯喜知己低頭憐  
我鄉思深煮酒呼童進雙鯉人生富貴豈有極縱使無田  
歸亦得車前笑兀橫八騶何似平生幾兩屐洞庭南下春  
水深九疑恍忽蒼梧陰鴻飛半天不能到雲山窈窕傷人  
心丁香花開白日晚飛絮游絲客愁滿卽看芳草被天涯  
却憶山中白雲遠戴侯善畫今代無淋漓大筆爲我濡琅  
蒼葦初集

卷第三

九

玕已老結成實山中猿鶴遙相呼

凌荻舟水部

玉垣

生日曾滌生閣部招集寓齋

詩人四十水曹郎日日朝迴典鷓鴣但向紫藤花下飲莫  
論裘馬少年場

蒲桃深注碧頗黎手展烏絲醉後題聞道漢江江水綠至

今人唱白銅鞮

君數往來  
襄漢間

年來深覺酒人疎樽俎天涯慰索居解事最憐曾學士夜  
深猶遣換金魚

菱尾花開春又闌朝來石首已登盤眼看物色今如此何  
忍樽中酒不乾

邵位西北部懿辰招梅伯言郎中會亮曾滌生閣

部翁祖庚編修同書馮展雲侍讀譽驥周岷帆

學正學源寓齋看牡丹子以事不赴分韻得紅

字

聞道良辰集高歌興不窮春城禁煙日草色閉門中酒是

天然白花猶昔日紅前年飲齋中百年謀一醉醒眼愧東

風

### 哭李梅生

古風方陵夷斯人遂淪喪慷慨平生懷俯仰一悽愴豫章  
未梁棟主瓚不拒鬯於乎元化精浩蕩意誰向

蒼葭初集

卷第三

十

嚴君九州伯弱冠排金門丹墀拜天子歸臥湘水春

端居志天下願觀風俗淳感激爲悲歌所惜甯一身學成  
報明主奄忽志不伸明明出處意已矣難復論

浮邱昔云徂雲霄墜丹鳳後先弔其廬撫事忽如夢招魂  
出謗口悲吒迭賡送乾坤相依倚又失百尺棟獨上碣石

臺哀猿同一慟

賢愚雖有羣萬物盡吾與如何身世間不得出肺腑子才  
眞龍駒所向無險阻我行望前修有闕待子補黽勉在百  
年哀哉竟終古

龍戰草昧開乾坤尙紛紛九鼎初定後三藩仍構患恢恢  
仁皇略神武康生民豺狼肆驅除赫然天戈拒介馬越  
嶺嶠樓船洞庭昏旰食蓋入載指撝靜風塵倉皇聞變初  
羽燧震九邊反側半天下萬醜如讎屯 廟堂帆垂拱神  
謀握其全及夫大難夷磐石百世安王鈇仗羽翼 帝室  
多賢親定遠忠勇俱甯海軍律堅至今銘太常廟食爲宗  
臣

詞科

惟國有與立 聖人禮爲羅治定議述作 璽書開大科

堯舜操鞭笞四海來奔波麒麟赤鳳凰倪首檻與箴徵

蒼真初集

卷第三

十一

君百四十閭闔紛婆娑商皓既來臣殷士亦無譁 聖澤  
所流衍蠃螭淡幽遐泊夫乾隆朝民俗益大和 九重嚮  
文學再 詔徵公車四庫聚百寶乾坤出菁華 國家荒  
大東戡亂用干戈中葉文教盛天章照義城緬惟開泰初  
規模定山河才賢何時無精氣炯不磨迴首宇宙間海岱  
橫嵯峨

入旗

聖王大無外京師天下本 世祖始入關飛龍翼華軫入  
旗諸子弟一一執干盾承平備宿衛出入在禁近輦轂不  
得離版籍遞蕃引衣食仰縣官 皇心惻幽隱天地有奧

府農桑爲之鍵堯舜病博施樹立在久遠吾聞吉林地俗  
樸土饒衍四海今已家春田曠須墾

地丁

唐之租庸調立法昉漢世稅地兼稅丁因仍莫能異至仁  
侔天高垂法及後嗣不復增算錢但自輸井稅是時承平  
久四海稱極治桑麻被川原朽粟溢外膚黃金賤如土百  
醵浩積帶行旅無裹糧外戶夜不閉戎車雖屢駕蠲拒且  
相繼司農與少府度支亦不匱由來 帝力雄必席全盛  
勢赫赫雍乾中民物何豐熾

南巡

蒼賁初集

卷第三

三

數州敵天下財賦仰吳越省方降 鑾輿萬里歷戶闔遂  
從鍾山陰弭節探禹穴千官與萬騎笳鼓蕩雲日 行宮  
藹清謐 御榻高帆肆奔走東諸侯歌舞隨罕畢詞臣進  
嘉頌麗藻灑雄筆躡岱紆軒轡觀河駐堯蹕熙熙 聖明  
朝屢見翠華出

西師

鞭箠所不及鳥獸相羈縻不聞考職方郡縣及四夷 聖  
清輝武略威力窮邊陲九服有弗臣撻伐雄軍麾北赭準  
噶爾回紇亦就摧天山二萬里浩蕩無纖埃我聞軍興初  
四海人未疲猛將氣如雲壯士思死綏推輶出井里轉饒

馳風雷金縉充軍賞芻粟委若泥功成告天地勒石高崖  
曳金湯拱城郭置驛星參差防邊卒踐更屯田辟汚萊到  
今玉關外大漠行人迷奔騰萬囊駝歲歲蔥嶺西

老林

天地育萬物不廢蜂與蠆陰陽苟無愆蟲賊豈能害 睿  
皇履宸極楚蜀纏妖宇吹晷沸羣盜將帥失狼狽 至尊  
輟玉食轉饜傾海內擾攘遂七年生靈飽戈殺南山老林  
中白骨雜土芥腹心中奇禍蘊毒始癩疥鍼石雖可攻法  
不刺羸瘵盛衰無常情人心有否泰

長安

蒼莧初集

卷第三

三

長安鬱冠蓋英俊浩若雲抗手閱時輩磊落者宿存風流  
在乾嘉往事時一論士尙知朴素公卿多偉人短轅駕蹇  
驢脫粟飯瓦盆蒸壺雜鮮菜足以娛親賓正容悟羣物清  
靜風俗敦梁肉無奇士脂膏無完民俯仰今昔間慷慨一  
聲吞

傷逝

少寡學道姿哀樂性所獨自從婚宦來鼎鼎歲月速紛紜  
勢未定一訣俄不復圓穹覆羣生動靜各萬族不成死白  
首何用生骨肉於平肝肺摧悲來不能哭  
持門有健婦百役靡不爲上有垂老親下有黃口兒霜晨



起執爨向夕當鳴機豈不恤况瘁禦窮固其宜春風煦百  
物不澤枯樹枝還顧來日長俯仰令我悲

我母髮始衰劬勞三十年他鄉無近親得不倚婦賢蒲柳  
質何柔溘與朝露先服勤力未竭執手萬恨牽子恨終有  
窮一瞑向九原貽我老人悲衫袖不得乾宇宙至廣大吾  
命生屯遭

貧家寡歡趣福性少儔侶棲遲屋數間寂寞慰風雨遇子  
我何恩有德未能補臨分出苦語吞淚入肺腑聚散能幾  
時此恨足千古

我本麋鹿儕野性畏城闕事親仰微祿不得免簪紱赤江  
蒼莧初集

卷第三

西

吾舊業宰木翦成列計贖二頃田脫身返巖樾我耕子來  
鱸老死飽薇蕨洞庭波瀾深歸鳥影相失蹉跎不早決終  
古意蕭瑟

杜宇

杜宇聲中淚滿衣清明寒食亂花飛寺門一片斜陽色照  
見荒原影獨歸

蒼葺初集卷第四

善化 孫鼎臣 子餘

奉使黔中出都有作

十七賦鹿鳴謬充觀國賓  
翱翔鳳池間遂闔金馬門  
論思密勿地鈍懦寡所陳  
國家頓天綱歲取鳳與麟  
凝心巖穴妙簡侍從臣  
茲行實特達敢謂識拔眞  
願得忠孝士歸報堯舜君

我行次鶉首元冬始當歸  
登朝許將母出入日不離  
迢遞萬里行豈免渴與飢  
別日雖不遠念兒心甚微  
上感聖主知退懷游子私  
私情與公義攬轡久踟躕

蒼葺初集

卷第四

一

膝前三男兒長成半羈旅  
自從失所恃不忍復笞楚  
簡書迫嚴命夙夜敢甯處  
內顧家室殘感歎傷肺腑  
童駉走憇嬉未省離別苦  
轉念牛衣人撫膺淚如雨

先世有敝廬結構湘水側  
風煙五清明霑灑望松柏  
同朝有仲氏遠宦慰愁感  
南征指辰沅鄉樹迷咫尺  
庶幾見子季來泛武陵鷓  
蒼茫鵲鴿原曠望雲水碧

先一日往龍泉寺作

征車明當發遠際天南陲  
痛哭別蕭寺悲風鳴纒帷  
我行朱夏炎子還秋露滋  
飄飄舉丹旄舟楫連蛟螭  
淮水清有瀾江水濁有泥疇  
昔送我來不得送子歸  
蒼山根萬

古幽宮迷自非死同穴豈有相見時何愛生相憐何怨死  
相遺高天日寥廓揮淚從此辭

自望都至磁州

朝馳望都轡夕息欒城轅候吏羅酒漿驛亭闢館垣仰惟

先隆平治理靜不煩先祖隆平公乾隆中嘗令此二邑大兵征西急禁旅

奔戎軒豈免共億費不忍誅求繁小子忝乘傳經過郭西

門傳餐嘿自媿舊德不可緩

畿南七百里九日到滏陽始見清溪流晶晶浮孤光新秧

秀抽穎颯杳風葉涼土眯眼忽明風景如江鄉憶昔開鑿

初經營實賢王凡畿輔水利皆怡賢親王迹志大功未就地偏績已彰

蒼莧初集

卷第四

二

安得起鄭白水利徧朔方既省轉漕費亦緩河渠防崢嶸  
非常業悃悵川原長

雨入磁州

碧滢清無翳文漪滑笏平芟荷衣上雨菰蔣水邊城生意

蘇枯槁微風析宿醒莫辭霑濕苦已慰望霓情

漢世祖廟

裕州城北嘗鑿井以濟軍壁繪雲臺四七像

白水真人親駐師鬱葱佳氣歇多時畫壁威儀猶漢代空

山雷雨獨荒祠輓轡梗絕沈寒發鼉虺苦深擁斷碑終古

雲臺照勳業伏波銅柱有餘悲

暢園漢世祖廟側

凍雨歇清曉薄雲駐微陰偶沿清溪流乃至幽棲林齋壇  
樹中見藥池花下深風前亂蝶影煙際流禽音既愜靜時  
賞益懷塵外心逍遙足身世何事鍊黃金

峴山亭歌

杜若當微風洲邊綠如薺昔時行人淚流作漢江水漢水  
春來落更生羊公墓迹沒全平峴山亭前楚雲白暮暮朝  
朝飛入城城中向夕吹橫笛大隄花滿無顏色

自江陵舟行達武陵感事

岷峨東大江千里氣一放洞庭蟠其西負險力不讓腹背  
絡數州城邑鬱相望雨淫春及夏地圻百川漲揚帆隻孤  
蒼叢初集

卷第四

三

征百里邈昭曠秋陽晶無輝眈眈日精喪生靈夫何辜蕩  
析同一狀

靜夜臨滄流東望不見月操舟者誰子昏黑歛出沒狐鳴  
荒社間塘突來劫奪此曹安居日負耒事耕墾甘此鈇鉞  
誅苟冀旦夕活 朝廷法寬大在盜義必殺汝罪將誰尸  
無辭眼有血

荒政古所難撫綏甯不勞日春一石粟不救萬腹朽故鬼  
哭未已新魂還待招甯知 聖人意廣大如唐堯疾苦苟  
上聞優渥不終朝不見比歲 詔惻怛降九霄懷中監門  
圖流離徧江郊及茲獻 當宁尙可收羊牢持之更須臾

骨肉生蓬蒿

地力有必盡天險非可爭北人味溝洫南人勤畚耨強奪蛟龍宮闈爲畦與町室廬聚婦子何異長平阮萬死易一飽微幸終何成作歌諗當軸庶爲知者聽

貧家治生計旨蓄先冬儲何況經國人能無久遠圖列城浩委積會計有吏胥可憐雀鼠微不得分其餘吾君崇寬仁蠲拒無歲無求芻爲人牧躑躅心何如

過桃源感舊

先子談經地秋風此重過門生半衰謝舊俗尙弦歌雲盡翠微出天長白馬波故山森宰木東首涕滂沱

蒼菴初集

卷第四

四

載酒從陶令彈琴月滿庭蓬蒿居寂寞賓從已飄零江上非無宅淞州尙有亭壯年紛萬感不待髮星星

懷沈粟仲先生

七夕

絡緯纒絲夜向闌梧桐涼露影溥溥高樓北望星河沒烏鵲南飛道路難金井欲凝辭夏簟網軒長掩閉齊紈秋來天末無礎杵正耐西風竟夕寒

自桃源山行人田家

蟬鳴桑樹枝十月稻早穫我行會幾時忽爲南中客攀林啖新果汲井辨泉脈土音符昔聆淳俗慰今覲疑敦巖下諾竟果林居適綿蠻悅禽言惆悵見馬色悠悠清川水石

底鑑縹碧終當濯塵纓逍遙理還策

晨發鄭家驛至楊溪橋

高崖淡朝噉亂石澗水細山行方首秋風氣已淒厲黃綠  
青嶂入合沓丹壑蔽冥冥稭枯交漠漠蘿葛墜山椒孤堦  
倚崦側林扉閉畚田接高下時稼紛可刈時見腰鎌人浩  
歌在平地俗簡民不煩熙熙況豐歲

過田家食

隨地結柴荆場寬礪碌平鷄鳴黍方熟蟬語柳初晴山果  
垂垂密溪流泯泯清老農吾竊媿塵土拂簪纓

馬鞍山

蒼葭初集

卷第四

五

巨山連長圍旁魄萬象交俯蹙厚地窄仰偪象緯高蝨蝓  
垂蟠蛇躑躅窮飛猱籃輿出叢薄絙曳懸秋毫有如撞上  
旌歷亂風中搖右有橫出峰側視聳及尻奔流架驚深瀉  
爲澗底濤逆折歛不見青林響颺颺逡巡下前山素練橫  
雲標

師子坡

楚黔之間謂  
嶺皆曰坡

出險心始夷前瞻路仍阻十步歷九折舉足無寸土盤盤  
師子雄怒抉怪石舞颺颺齒交錯狻猊舌初吐上懸危嵒  
崩下裊浮梁拒徐伸愁尺蠖側掠羨飛羽徒御噤無聲悄  
悄過林莽垂堂久相戒峭嶠自茲數

馬底驛

山高馬不前峯起驪馬耳馬行入雲端山轉出馬底陰崖  
俯深黑隱隱雷聲起驚風橫空來飛雨送馬箠元蛟挾奔  
電萬壑盡西靡搖蕩波浪間高下青蓮藥客心如倦鳥得  
地可以止候吏來相迎山坳爲余指鱗鱗見白屋出沒樓  
枌裏

辰州月夜懷仲嘉京師叔孚長沙

皓月升東海巖城對北辰高秋當此夜照影各三人衣薄  
隣游子植浮送使臣道長書不達寂寞回風塵

曉上青山坡

蒼葺初集

卷第四

六

青山何鬼鬼白霧何漫漫上山不見霧舉頭礙青天五日  
山中行萬壑蔽我前茲晨登絕險星宿隨躋攀俛視白茫  
茫一氣鴻濛間諸峯露其頂百里青巘屹有若筍解籜怒  
出頭角駢天風旋地來吹落山石頑融結霧不散颯沓衣  
裳單

午憩淘飯塘下樓坡

迴峯生積陰當午日不見浮浮杉翠深慘慘松色變秋風  
警客早浙瀝灑人面紆夷叢薄間僕夫尙重巖悲歌下雲  
梯聲散哀壑亂繁林宵清晝蟲語急幽澗孤葉紅自翻山  
果青未綻客情倦登陟訝此節物換蕭辰邈孤征羈緒誰

能斷

丹山寺

危崖瞰龍宮倒射千丈碧冥階不遠飛閣跨石隙滄江  
迴其波沅水流向北羣飛起沙鳥風舉帆葉白陂陀雲間  
峯明滅見楚色山頭朱萐出城郭帶厯厯虛空延冥搜千  
里入咫尺側身下危梯舉首割峭壁元雲垂灑灑寒水太  
古黑森然陰風來氣噴土囊直地無峨峨冰朱夏凜悽惻  
路幽聞見阻扁鑄鬼神宅金泥赤玉簡龍篆森嶸鬲奇秘  
何代文儲藏自古昔恨無巨靈掌盡讀崇山冊手把三秀  
芝惆悵緬靈迹

蒼良初集

卷第四

七

辰溪縣

停驂辰溪縣山僻地瘠小男耕婦出汲赤足雙窵窵斜睨  
立道旁怪此顏色槁我從澧朗來城邑化爲沼邨墟無人  
煙眼開盡流殍此鄉田因山百里植秔稻何得春穀荒比  
屋爨不飽晨登乾溪嶺石赤血未埽有盜暮殺人民俗吁  
已慄由來甯人術綢繆政須早閭里無蓋藏何必早與滂  
玉盤羅珍羞白日照杲杲投箸不能食三歎望晴昊

渡沅水至寒岡遇雨宿山塘驛

渡舟沅水西夷曠意稍適喬林帶清波路引修綆直中田  
稻孫長秀色映阡陌山石如丹砂返照正東射前峰忽不



見漠漠天一色雲從山外來飛雨勢甚逆松篁引幽佩商  
籟動林隙晚投孤館中雲散山已夕東西田水鳴細草悲  
促織

懷化驛曉起大霧十里至石門

山雨宵不成長空散煙霧出門纔須臾左右失徒御馬行  
疾如鳥縹緲入何處千峰與萬壑掩遏不得露漫漫厚地  
白浩浩不知路恍如洞庭中孤帆曉東渡委蛇轉層岡稍  
辨村外樹石門晃朝曦樵人始相遇

下大栗關

淙淙石間泉颼颼山頂松丹梯不可極削翠浮高空午登  
蒼莧初集  
大栗關拂衣雲氣濃窅如跨鸞背足踏千芙蓉一峯起旋  
伏萬壑奔向東下有不測江浩浩終古風怒排崖隳斷橫  
出當其衝陰火煮積雪沸聲冰夷宮毒龍不敢潛日夜雷  
霆訶輕鳧沒高浪拍浮嬉羣童我行傍懸崖已覺兩耳聾  
飛流注人頂直下來奔洪撫膺爲駭絕太息向鴻濛

紅巖望曉雲

雲氣薄太虛瀾漫曉無邊不見紅巖頂安知岡與巒氤氳  
自相盪欲斷勢復連仿佛峩眉峯積雪六月堅初日升搏  
桑斜飛睨高天排空不得上復墜層崖巔山腰已半出萬  
木根齊懸羣龍隱其首尾掉巨石穿須臾霄漢間絳碧五

色妍遠山豁露盡兕象出馬前秋至暑不退毒熱地氣偏  
何時駕雷公一麾金蛇鞭

道巴洲泐無水入芷江縣

嶮崎越辰山道泐沅江行前津厲無水巴洲却迴縈柔漪  
澹無風色似碧玉瑩一翫不入手揮弄千珠生沈沈覆蒲  
藻靜照游鱗鱗磊石出在渚上有魚梁橫日高無人來夏  
然水禽鳴情因浦潏永興愜滄浪清中洲被芳芷襟袖芬  
空盈

晃州

晃州夜郎域絕險無池隍創置嘉慶年地可百里強居人

耆莫初集

卷第四

九

四十家背溪面重岡溪蠻多錯處箐谷蛇虎藏危礪尋雲  
高絕砦窮天荒柝欄亭亭屋婀娜銀環妝劍弩淬毒藥出  
入身周防服教已百載稍稍歸馴良勿謂彼民愚察吏去  
狙商勿謂彈丸小四塞成金湯堂堂守疆吏業業黔蜀吭

大魚塘

淪漣亂平川殘月墮沙際循山塗屢轉出谷煙稍霽懸峰  
清江流雲拂石潭翠漁舟靜寒瀨珊瑚石出水次松頂宿鷺  
飛掠地一側翹山僧晨出汲敬岸帶古寺溪西有人家雲  
木曠迢遞安得素心人誅茆一塵地

蒼葇初集卷第五

善化 孫鼎臣 子餘

到玉屏口號

山頭森木與天齊  
瘴雨蠻煙倦馬嘶  
行盡龍標五溪水  
夜郎猶在暮雲西

青溪縣

石盡山隩開皋陸  
何曠衍連邨入喬木  
十里聞雞犬秋禾  
臥寒露刈割未云晚  
男女俱在田相攜  
隴頭飯今年米仍  
賤清酒酌盈盃  
慰此芸耨劬况復  
徭役簡放眼窮入  
方樂土此荒遠

蒼葇初集

卷第五

自梅溪循鎮陽江逾嶺至焦溪

絕壁臨長江  
巨石揚奔浪  
盤空鑿微磴  
硤角偏不讓  
筍輿一何輕  
邪許僕夫唱  
十步五折旋  
虎牙屹相向  
二分趾垂外  
目注雜花漾  
怒雷來轟轟  
時有疾風颺  
危坐焉敢敬  
槁木神不王  
失喜見焦溪  
煙火已盈望

文德關

九溪鬱盤錯  
箐谷百越纏  
谿谿兩崖間  
一綫鳥道穿  
放此千萬山  
奔出西南天  
下絡辰無沅  
背項相鉤連  
橫石屹相向  
虎牙何森然  
截薛當天樞  
歎飲五漏泉  
在關側龍池海煙  
霧鎮遠城  
南積氣霾坤  
乾萬象滅不  
見想見洪荒  
前開屯設鞬

寄修文息戈鋌叩竹及蒟醬遠致蜀與滇莊躡事已矣唐  
蒙亦徒然臨風默懷古戍角鳴荒煙

相見坡

東鎮遠西施秉

一峰面朝景一峯頽向西岩亭中峰隔屈曲經迴谿東峰  
西峰人對立前騎後騎行相及俯循仄磴出山坳去馬已  
從雲際入却登中峰頂還顧後來人人聲嘈嘈對山語如  
蟻百轉隨車輪車旋無停時馬駛不可止我行懸縷上雲  
梯前騎威夷幽壑底上嶺復下嶺出山還入山東西兩界  
二十里向背只在庭除間人生有離合動若參商乖咫尺  
阻萬里何況山崔嵬崔嵬鬱葱蒨展轉還相見願言相見  
蒼黃初集

卷第五

二

卽知心休令窈窕如山深

飛雲巖

翠巖三百丈仙掌望中開片片作晴雲縹緲結香臺上有  
無限松仙者誰人栽天風一搖蕩雲影同徘徊奔流三峽  
泉爭道橫空來驪龍睡方醒行雨下九垓急電落雲表墮  
地千玫瑰手攜白羽扇暝坐青莓苔開眼羽翼生披襟踞  
蓬萊扶桑日未出銀濤爛成堆左右俠玉女朱軫駕輕雷  
寄聲謝羽客何必窮天台

玉虹橋

飛雲巖西十里

出山雲滿衣矯首迎長虹岩岩兩青玉對峙天西東架壑

結紺宇湍流沸其中參差朱楯迴窳窳前溪通憑高舉雙  
袖寥廓來清風不知九天上何事謹笙鐘鞀閣合羣籟莫  
辨角與宮豈無松萬株細響難爲工迴望飛雲巖天際青  
濛濛來時徑路失瘴起林巒重

重安江

楚水壑洞庭湘沅勢爭大沅江莽西流窮源獎州界西望  
見鳳山突兀萬古砦獸蹠鳥迹間混混鑿一派澹瀕凝不  
流絕壁照石黛繁星麗金沙駭學得文具根蟠水府深岸  
陔斷峽隘長年色慘沮板圻百舟壞射工掠浮影暗伏虺  
與蠱日月避其幽晝夜雲雨晦中流篋回首艱遠念行邁

蒼莨初集

卷第五

二

浩蕩越鄉心崎嶇五溪外

雲溪洞

巒山險相軋百靈窘馳驟厚坤洞神椎陽門侈崇構金天  
收流景玉泉散寒溜敲扉朱火明秘藏發白書層層布文  
罽雲杼出天繡茄華紛倒垂藻井被刻鏤中銜大秦珠力  
攫兩龍鬪竒窳雲母窗陽烏偶然漏屑金塗四壁上下亂  
星宿徐徐凌波引礪戶出清奏方牀中可眠攜琴欲相就

楊老驛

楊老驛前風送秋宜娘山外雨初收行人齊下聞猿淚一  
片重安水不流

清浪關

上坡下坡三百尋晚煙漠漠楓香林清浪關頭見秋月臥  
吹羌笛武溪深

響琴峽

玉潭凝寒碧空山合岫嘈積石氣上薄杳與晶天高金風  
從西來林谷遠蕭蕭絲葉日夜脫萬木森欲涓客心秋多  
悲耳目信所遭初弦奏淅水深潤披陵苔再彈作胡笳靜  
晝虎豹嗥嘹唳空中鴻孤飛索其曹玉柱久摧折金嶽何  
寂寥願爲水仙操一寄瀟湘遙湘靈不可見感此心切切  
曉雨發貴定

蒼真初集

卷第五

四

零雨灑高秋山險石路滑遙空洶波濤雲氣翳超忽林巒  
轉峭蒨潤迴草木活泠泠山根泉出谷帛斨裂飛梁湛幽  
溪曲徑通密樾山花媚行客亂點紅木末穿林見秋原黃  
照一川闊宿霧紛始開遠視極毫髮遙嵐參差隱煙靄尙  
縈結

海馬洞

貴定城西洞中有物如馬鱗甲光怪或出與馬交輒產名駒

我從沅水過龍標馬頭直接飛雲遙雲氣西飛一千里馬  
行亦渡龍溪水亂山突兀溪迴縈隨雲送入龍里城洞中  
却望雲如馬天際神龍幾時下

牟珠洞

耆閣拂天表，祗洎開地靈。誰移珠林樹，來鑿白石扃。穹隆聳一柱，斜入天光青。莊嚴兩寶塔，七級捎奔星。迦相枝倒垂，繆流延上榮。旁有紫竹林，迸露赤玉瑛。袈裟五綵幡，疊疊九子鈴。應貞祖，右臂龍女立。媼媼天乳五百道，放出琉璃瓶。味如醍醐，甘色如羊脂。凝老僧敬導，客我倦脚欲停。相從乞澗薪，就此煮茯苓。

將入貴陽簡王笑山儀部

東南桂管北岷峨，中蟠入塞烏江波。羊腸入險七百里，秋風八月來牂牁。王君握蘭負清望，舊日文場號飛將。罷草詞頭赤墀側，出持使節青天上。天上千峯雲作堆，翠屏丹蒼葺初集。

嶂眼中開通演徧，訪唐蒙路諭蜀真。須司馬才才高思逸，新詩出陶冶山川。入詞筆蠻花犵鳥豔，驚看嶺雲箐雨愁。如失我幸，追陪引四驪。孤燈山館酒盈卮，苦辛行役今休話。險奧登臨固不辭，且蘭明日征袍解。孤寒入百遙相待，看君積錦滿奚囊。更取明珠向滄海。

自玉屏至龍里雜詩八首

道出烏蠻外人經，烏道邊疏林藏邑小。高屋倚崖懸石點，山花碎溪垂野橘。圓炎方來問俗匹，馬過秋天漁水經。千折牂牁路始通，灘高千嶂雨樹斷。兩崖風水宿漁舟，靜朝光戍火空臨江。牽百丈呼嘯滿雲中。

磴仄依山轉波寒下瀨沈高崖秋自響空谷晝多陰猿挂  
溪藤古虺蟠伏莽深南來逢驛使愁說路軀嶮

自置奢香驛全開濟火疆銀花蠻女豔銅鼓仲家藏入市  
多青箬從戎半紫薑侏僂音漸改橫舍有冠裳

積阻瀟雲接僑居邕管兼開山九溪險出地萬峯尖鼓角  
懸礪峻風煙人箐嚴清時作邊吏未可棄韜鈴

白露秋將半殊鄉節未憑嵐雲含樹漲谷日抱川蒸測晷  
移寒暑迷方倦寢興行勝隨藥裹益覺旅愁增

數家邨市遠耕鑿目相宜置確溪喧屋燒田草滿陂人來  
楊老驛神賽竹郎祠俗尙安淳樸輸租歲不遲

蒼葭初集

卷第五

六

人物志耆舊風流今尙新黔中秦地古徼外蜀山春奉使  
來莊躑談經得尹珍龍場還俎豆此道有傳薪

登扶風山寺

山行二千里所歷飽巖谷始來貴陽城八月橘柚綠低頭  
覩几按把卷夜秉燭今晨出東郊峭崿還舊矚但驚千山  
樹霜赤葉槭槭登高縱遐眄秋氣浩盈目飛雨來遠空青  
岑遞迴複入檐捲長松開戶亂風竹孤亭集孔翠金碧爛  
相逐突兀新建祠道氣潤土木尙想玩易窠立變魑結俗  
山僧勤埽除畱客具茗粥拒衣升重岡孤雲起岩腹



虛巖延松風疏林激寒流六月翳炎景何況清秋寂歷  
山寺古深穿洞門幽錦石綴瑣碎青紅雜花稠飛鶴來何  
方松杉半空浮開軒就清蔭一酌紆千愁微微西郊外暝  
色散林邱須臾四蒼然不見城上樓路迴歸策遠苦爲清  
尊畱天寒暮景急林鳥聲啾啾

夜至龍里

浩蕩

王程閣崎嶇驛路偏高峯微上月深壑亂鳴泉夜

火明山郭夷歌起暮煙歸心似流水東下夜郎天

晚次清平

漠漠秋雲晚山空夜色淒明星千嶂底斜月亂灘西酒向

蒼良初集

卷第五

七

愁邊入詩從夢裏題蠻方久行役爲客意都迷

黃平州

狼洞烏邪驛路通重安勢隱播州雄城懸青嶺千盤上地  
錯丹江九股中營壘軍屯形稍改詩書夷獠俗還同我冠  
柱後逢賢尹莫廢扶犁學挽弓

州牧徐豐玉甚有治聲

舟發鎮陽江

長江呼悲風蟹螯出崩峽羣山獵蹇嶮抵觸斷右脅亂流  
避東向勢蹙兩崖狹陽侯忽倔強怒鼓萬鱗鬣騰騰風雨  
聲天地交歎欲長年輕險絕高浪笑理楫扁舟迴清泔汗  
漫走鵝鴨褰裳登柁樓物色歎遠涉

下橫梁

號空射奔湍臥石奮沙際山高霜葉落出水氣彌鷺潛蹲  
一卷小誤觸萬鈞脆飛飛箭筈流百丈人倒曳屣却甫一  
前瞥若驚隼逝巨霆翻過耳白落萬鳥毳方舟經險巖愁  
辛挂蒙翳仰睇浮雲翔虛空杳無繫

羊坪

連崖險中斷委蛇轉平岡氤氳翠微間眇漫清川長高低  
厂中屋靜照疏林黃空潭畫無人微風語漁榔水容湛寒  
綠崖乳垂楓香滄洲路何永雲木空蒼蒼

清浪衛

蒼良初集

卷第五

八

舟靜千崖暮途危百越過峽中天見少微外雨聞多猿飲  
山相喚魚飛水盡波愁來祇自語寂寞意如何

晚泊玉屏

清浪關前畫鷁迴玉屏山下暮猿催倚天石轉江心過出  
峽灘分樹裏開炎徼風霜愁地異荒城鼓角入秋哀歸心  
浩蕩川涂闊夜夜滄江望斗魁

征衣

楚宮砧急曉霜微八月雙雙海燕歸三百六灘風色惡牂  
牂江上舊征衣

蘭溪朝霽

日高渚禽喧朝光舵樓入石暄沙色淨獨在人新汲楓林  
霞漸微葑宇霜猶溼遙墟彷彿見遠浦威紆及楚望始堪  
欣越吟聊自戢

黔陽

鳥道初迴下瀨船白波青嶂遠連天五溪積阻啼猿外十  
月寒江落雁前馬援功名垂老薄龍標詞賦到今憐芙蓉  
黯淡秋光盡惆悵高樓客醉眠

城北有芙蓉樓

夜雨銅灣舟次

霜柿深紅楓葉殷亂山凝碧水潺湲鄉心暮雨鴻飛急暝  
色荒煙虎渡還苗女竹枝江上曲羸兵栗子嶺頭關皇華  
蒼莧初集

卷第五

九

自古懷將母况復羈愁過百蠻

仙人巖

巉岩森寒空千尺削巨刃斗插江水深雷淵狀流迅塔梯  
斬已絕鳥獸不敢蠢橫纏紅藤麤亂挽碧草韜吻張伸虎  
噬背裂發龜壘屨窠巢穴開吐氣霧雨潤素書扁鐵牡寶  
劍綴金印咸云仙人遺欲攫那得進矜奇笑流俗怪誕誰  
能問

清浪灘

颼颼蕩驚風洶洶標洪濤空中萬神鴉往來蔽江郊雷聲  
四十里繞舟無停號衝波突軒起勢奮中天高積然千丈

落性命輕鴻毛迴望西南山青林沒秋毫平生好遠游顧  
此魂魄搖

飲陶槎仙郡丞

際堯

署齋卽席有贈

月明江上雁蕭蕭銀燭金尊夜寂寥老去詩人煩佐郡方  
州牧伯半同朝觚棱日煖香鑪上殿閣風微玉漏遙西掖  
掌綸逾十載一官湖外狎漁樵

酬楊性農孝廉

舜珍

見贈

昔年下第還故山與君並馬成皋間今來落帆向江口與  
君同斟武陵酒武陵城中十萬家白骨相撐如亂麻蛟龍  
入室人在野母不見女兒尋爺此邦頻仍憂歲瘠倉庾空  
蒼葺初集

卷第五

十

虛涸敞極手無寸柄不得援對酒停杯坐歎息君家耕糶  
居山巔不忍飽食看倒縣盡分積粟與宗族備荒又割溪  
西田嗟君讀書志開濟射策有司遭屏棄稷輅布鞮行將  
老出手活人聊一試惜哉濩落在深山要路如君不能致  
便登要路復何如菜色紛紛肉滿厨感君高義相期許袖  
裏空存鄭俠圖

澧州

寥天起暝色澧水澹斜暉葦火流人屋葑田殘衲衣年荒  
酒禁密市冷估船稀辛苦隨陽鳥蕭蕭轉北飛

荆江待渡

巫峽江流出大荒朔風迴馬氣蒼蒼煙寒郢上人三万天  
遠夷陵樹幾行鴻雁來時悲滿野黿鼉歸去悵無梁空城  
迢遞聞吹角衰草微微點夕霜

便還

召對恭紀

南紀多風煙積阻介荆益炎方地氣異王事久行役歸來  
趨 闕廷瞻望喜動色顧維小臣愚拜跪意怵惕從容被

溫語

御榻在咫尺

皇仁浹幽隱民瘼洞不隔頃者

荆澧災蠲拒出粟麥窮黎氣蘇息原野斂枯骼荒土冬可  
耕臣歸實親歷 聖心憂勞深 宵旰念未釋艱難虞失

蒼真初集

卷第五

十一

所語久貌甚戚斯民還衽席豈不賴 帝力臣鄉地汗下  
屢荷 雨露澤退懷感激私涕出不可拭作詩告父老何  
以報 聖德蕭蕭北風鳴江湖眼前白

